

verò non adscriptę: quas hisce verbis Dioscorides explicat: Facit ad vlcera cacoëthe, id est maligna, & phagedęnas, genitalium nomas (hoc est quę pascendo serpunt vlcera) purulentas aures, & oculorum hebetudines: quorum etiam cicatrices & albugines tollit. Quin & emplastris vnguentisq; coloris causa, vt rosaceo, miscetur. Sudorem cit. Aluum turbat è vino & aqua potus. Stomacho nocet. Miscetur præterea acopis, & smegmatis quę attenuandi capillos gratia adhibentur. In vniuersum quidem acris est feruentisq; naturæ, vt sal. Hęc ille. Gręcus contextus habet: *μίγνυται ἢ σμήγμασι πρὸς τειχῶν λευκασμόν.* Ruellius vertit albandi capilli gratia, in quo Matthiolus eum sequitur. Ad pilos inalbandos, Cornarius. Ad extenuandos palpebrarũ pilos, Marcellus Vergili<sup>9</sup>. Capillos tenuat, vetus interpres in Pandectis Syluatici. Detrahit & ex palpebris pilos efficacissimè, Plinius.